

二樓紀略

序

曩讀史至謝元暉傳心竊疑之夫其解褐登朝嘗
四參王府三讓吏部矣卽以出牧亦自東海兼領
南徐而特以宣城見稱何歟且茲穉也江表大藩
從漢逮晉宋間二千石賢明著聲者代不乏人元
暉起齊內史廼遂得專之後世無異詞焉果以其
文章清麗冠冕若梁武簡文所稱嘆已哉古之人
有言曰甘棠且思之况其人乎余來爲穉退食之
暇登後圃北樓卽所謂高齋者謝公視事處也徬

佛見憑軒秉筆其人斯在焉意必有遺愛被於邦人然而齊書逸其政事至南史并不言守宣城又何歟豈果以詩人掩其吏治耶將無六朝矜尙風流貴華賤實而載筆者亦失之耶夫古人懿踪傑蹟當日旣不復存而獨區區一樓謂足以實謝宣城之名乎哉及覽二樓小志乃嘆前太守青士先生有先得我心者於是乎若發吾覆焉二樓者其一卽北樓又其一曰南樓地相望可里許世之相後千有餘歲矣先生一旦卽明太守朱公肇建之


處增修之始易今名罷人以先生常處南北二樓
間澄心和政講學賦詩也遂翕然以二樓歸先生
焉余又得之輿論謂先生蒞政值戊子大祲後荒
政最善所全活無算其延接士類惟恐後時因以
想見謝公當日之爲罷卽於其詩約畧可見古今
人不相遠如列俎歸單味連駕止容膝一今之節
儉委蛇也如察壤見泉脉覘星視農正一今之邵
農勞酒也如排雲接輿蓋蔽日下霓裳一今之嗟
吁雩祭也如烹鮮止貪競共治屬廉耻一今之茲

二樓八
歌都講也如簪髮逢嘉惠教義承君子一今之傳
餐輟洗也夫乃嘆元暉之於宣城果不爲章句掩
後來者各審所自處而已先生尤雅意服古謂梁
陳以下迄於元明北樓盛有題咏世徒以太白故
艷稱梧桐橘柚一詩耳

國朝作者尤多南樓起明中葉紀傳本末皆不可
沒於是程子偕柳始葺爲志嗣汪孝廉師退沈子
元珮廣之於前人所傳畧備今入詩文在集者皆
非苟作又以先生自著二樓紀畧附錄於後余下

車三月適此編告成念代匱於賢者之後欣慕芳
軌恆恐不逮特卽所見頓釋讀史之疑爲序其梗
概如此

康熙庚子七月既望北平黃叔琪拜序



自序

語云數面成親舊況及過此者乎余不敏守宛十年與其士大夫交相善迄於土俗民風見聞所接殆已多矣山川雲鳥亦復關人初視事有草停車有錄有北樓讀書記書院記聞合而刪之附南北樓小志之後好事君子或取其情而畧其文焉二樓居士賦偉書

二樓紀畧

卷一

襄平修賦偉青士

扶杖瞻

天記

皇上御極之五十二年恭逢

萬壽六旬正誕知府

臣賦偉

以寧國府耆民六人

上京叩 祝歸述

天恩而爲之次第其語也六人者爲宣城黃雲程
南陵童繼舜涇趙膺寧國胡正傑旌德呂祚

太平查元岱皆八十以上人其始請行者甚衆臣竊以九州萬國莫不願呼嵩闕下顧屢有溫諭止臣僚毋進獻文武百職皆在官行禮舊臣予告歸者卿貳以上聽一子入賀今爾民誠心雖萬里未遠當仰體

聖天子休養庶老之深意於是六人獨以推擇得

往臣勉之曰爾等生長草莽罔識朝儀

天威咫尺毋或誼譁失次以滋罪戾皆曰謹受教又於其上道祖而慰之曰茲行也涉江淮達

黃河觀泰山以向神京春風長日父老樂哉
汝子弟隨行毋亦勸餐祝哽好爲上華封之
頌行且歸矣皆曰諾今其還而有復於臣也
色貌加光澤步趨加健舉意皆甚自得者曰
民幸生爲太平草木不圖得見曠古盛事於
是坐六人於氍毹署之燕寢而俾竟其說雲程
則曰始至都城仰瞻宮闕迥在霄漢乃伏
覲帝居壯麗威重旣而聞人言今歲四方
雲集先後無少息者皆爲同天節至也問

之則曰天下封疆文武大臣致政宰執九卿
貴近舊僚有馳赴闕廷者有萬里奉表至
者若而人外藩下國無有近遠踰山度海來
獻方物者若而人以至觀光士子與夫商旅
負販百工技藝之流填塞衢路又若而人直
省老人至者亦數千人元岱曰車中馬上服
朝服鱗衣出入炫煌光耀奪目諸王貝勒
已下百官見任者前後皆三日雲程繼舜膺
皆曰都城內外民居數十步卽結彩繒香爐

棹圍甚設惟禁城中尤華其各經厥清楚徹
雲中爲

聖人祝長生者以數萬計時

上御暢春苑 諸王大臣舉朝恭請 御大殿受

朝賀得 旨初雲程繼舜膺正傑祚元岱皆

齋宿期前一日黎明從諸老人後迎 駕恐

臨期擁不得出遂又前夕止宿城外民家第

見自西直門接 暢春苑近三十里所列五

色錦繡牌坊其高插天有柱有礎有梁有櫺

櫺皆作雕鏤花卉狀玲瓏穿漏下廣上銳最
上有

聖德同天

天子萬年各四大字凡十餘座下列順天江南浙
江諸省恭製輦道左右皆有幙幙凡障三十
里架松栢枝爲棚蒼翠彌望置几案畫頁綴
盆盎景物以聯屬之鼓吹數百部俳優百戲
踏歌連袂笙竽簫筑琵琶絃索之聲不復可
辯中當廣尋丈 御道肅清官司守者問知

是外方山野之氓特教之側身道傍從容翔
視而已十七日夜分雲程與五人早起洗沐
衣冠待旦昧爽遙聞有聲非人間節奏主人
曰此太常法部所稱天樂也

上將還宮六人震懼蒲伏曙光方曠香煙旋散前
導鑾駕諸儀從京師耄耄亦多不識稍稍見
旗幟畫日月星辰五嶽四瀆之形又見宮扇
制度不一其類移晷天仗絡繹未盡久之朱
輪華轂多有婦官前導皆無敢仰睇者又久

之傳

皇太后鑾輿還宮謹伏候宮車過又久之遙見千官
齊頰侍衛中官奉步輦徐徐行其上飛蓋黃
雲成彩 諸皇子步從有中官負以從者王
公貴戚扈 蹕六人俯首心掉意是 駕至
與安慶老人錢甲者跪叩頭迎忽有大人傳
旨賜汝七人當謝 恩卽叩頭謝 恩訖則所下
者人參也凡內京民與天下老人迎 駕有
天厨壽桃之賜剖食之中則白金爛焉 尙

方珍味與帑金錯落續紛雨露降自上穹惟
羣生各自霑潤而民等願邀靈苗大藥庶幾
難老之徵自此長得歌咏昇平允屬萬有一
遇之厚幸矣是時車馬雲屯驩呼雷動道梀
不得前復紆從別門以入十八日

上御太和殿受朝賀各官序列朝內外有差禮法
森嚴莫得聞知民等與直省老人數千輩班
端門外望 殿叩頭各退二十五日有 旨
賜天下老人宴 天潢親命爵傳 旨汝等

歸各傳諭鄰里教子弟以孝悌爲先皆叩頭
謝 恩退自是各出京民等以五月十八至
二十日次第抵家設香案率子弟望北恭

謝 聖恩今宜以上京始末聞六人者之言

如此 臣賦偉 語之曰汝輩亦知所以天壽平

格久道化成之由乎洪惟我

皇上文德武功登三咸五幅員孔長前古未有覆
載之下凡有血氣莫不尊親今臣民懽欣鼓
舞咸思以數十年來擢節受養所貽者極瑰

麗華瞻之觀明天下民物潤澤豐美上娛
聖天子繞電流虹億萬無量之歲月負曝獻芹不
自禁其區區之忠愛而詎知肆大眚蠲積逋
弘闢門籲俊之恩廣容民蓄衆之惠撫綏蕃
衛懷柔百神無一不關九重之殷念若曩
者養老之典沐天恩者蓋數數矣而今則
普天率土秀眉黃髮皆拜手稽首於太乙
勾陳之下大酺大賚虞夏商周食饗燕禮之
盛未之聞也汝六人者誠不勝大幸簪筆之

臣定請恭繕 恩詔所頒綜一時盛事勒成全書傳示萬世而臣 羶草茅愚賤咸樂聞六人之所爲近光而榮耀者乃食飲而遣之因錄所述各書扶杖瞻

天字俾牘諸堂上中憲大夫江南寧國府知府加

四級臣修賦傳 恭記

再世承

恩記

自古教忠之道咸推恩臣子逮厥所生至於

世受光寵則所以處大臣者有殊禮焉

聖天子孝治天下 錫命優渥百官得隆其親各

循資階以期自致所謂心無窮而分有限也

念臣賦偉生纔六歲臣父故文林郎廣東惠

州府長樂縣知縣先臣罵彩卒於官臣祖學

道棄臣父時臣父生纔九歲臣祖母修氏苦

節二十年臣母趙氏苦節五十一年追悼兩

世孤露矜嫻不能圖報臣見任江南寧國府

知府竊祿養母貪冒逾涯今恭遇

萬壽覃恩幸得贈臣父封臣母如臣今官而祖父

母未霑恩命願將臣身及妻應與改封之

處移贈臣祖父母庶幾臣父地下有知感戴

逾於身受臣歿且不朽既由禮臣得請遂使

焚黃西山之祖墓而臣於官署待母仰頌

皇仁俯思往事不禁且喜且悲重以悚懼何者人

臣一命以上皆願榮及其先臣伏思高曾二

世金用伯祖鎮朔將軍伯父中丞伯兄光祿

大夫得褒崇特典臣祖父母以臣無狀外吏

十餘載茂由晉階獲施再世今敷天共効嵩
呼單恩下賁曲徇小臣之私所竊喜者此
也臣祖父母潛德懿行既不食報於其身臣

父天性篤孝早歲不祿今澤及泉臺而音容
俱邈是以悲耳臣所懼者先臣懷啣結之忱

未吏矢犬馬之報捧綸音而踟躕對宗祏

而戰兢不敢以天恩曠蕩自安忝竊也康

熙五十二年癸巳冬十月望前五日臣賦偉

恭記

儒臣之選清切燕閒蓋不煩以政事而重其學術
以備顧問歷代館局多聘山林未有如我朝之
盛遇者也

皇上神明天授傳心之要三五同揆至於臣下專

家所長悉在範圍之內宣城梅定九先生

文鼎

邃

於天人理數故大學士安溪李公巡撫順天時嘗
薦之

上命入見時御舟中奏對累日皆稱

旨

詳召對

恭紀將官之以老辭

上知其不仕也 御書績學叅微四字額 賜之

仍 賜 御書詩扇綾幅朝賢多作詩文送之歸

隱文春山中罕得見者家故貧一畝之宮著述自

樂余爲吏於斯每相與論學欲賓之書院以倡羣

人而莫可強也見所攜桃竹杖銘其上有偕萬里

至公門之句居嘗以不及壯盛仰報 君恩爲憾

久之 特徵其孫今編修玉汝穀成入史館玉汝

能繼其家學者供奉恆邀 殊獎每傳 溫諭眷

及老儒真異數也初纂修明史潛菴湯公欲以曆

志全書就訂告其家侍御桐崖問何以知此人曰
得之徐司寇健菴然與徐公實無交也後數年始
晤司寇乃曰僕所以知君者自出君鄉詩伯耳謂
愚山侍讀也蓋侍讀推挽不使人知而先生不求
知率若此其受

聖明之特鑒固由李公薦達實以所學淵深精密
得不傳之秘所以

上每稱其爲有用也先生詩古文皆卓然成家於
理學最醇確躬行悉可師法年來習靜杜門不出

余嘗想望其氣象以爲近日儒者未易得也又可獨以一端求哉

梁溪楊學山

作枚

傳其祖仲武翁曆學諸家之

言靡不該洽而折衷泰西定九先生素相印可
以書約之至其山莊將商訂藏書余因得延之
臯署始聞發凡殆若河漢久之愈叩愈有乃覺
度數儀象此理自在目前大含細入非淡心學
問無從領會傾聽學山議論益知先生之底蘊
爲難測也

國家有大禮大慶祭告天下名山大川歷代帝王陵寢使者耑往不敢怠遑及其禮成而反往往眺覽之餘歌咏適志蓋雖星軺計日而無嫌疑之必避與敦迫之難自主者余嘗見劉光祿蘧菴楷使秦日記阮少司空澄江爾詢遼左紀行詩皆以祭

告奉命行也秦中軒轅黃帝已下十三陵遼左爲遼太祖陵一則古帝王州所在皆西周漢唐遺蹟一則得遙瞻興盛兩京長白綠江王氣發祥之地雖耶律上都氣盡而聖朝表揚遺烈望祭中

安使臣登萬紫山憑弔千古發於詩者宜皆各極其致也使秦記中如論黃帝橋山不當云橋陵與唐人混且古帝王尙未有稱陵者又諸陵自有遠近有司請從道里便公必以時代爲先後亦不聽合祭謂之曰祝冊御筆親書名載在會典諸君獨不聞乎若使臣妄爲并省是率畧不敬罪孰甚焉皆其關係之最大者故著之

唐刺史裴耀卿爲宣州日率所管縣與百姓勸導行禮奏樂以州久絕雅聲不識古樂乃請於朝令

天下三五十太州簡有性識者於太常調習雅聲
仍請笙竽琴瑟之類各三兩事令此州轉次造習
每年各備禮儀准令式行禮稍加勸獎以示風俗
此爲政之本也又攷明成化中罷守涂觀以文廟
鐘磬尊彝之類破壞殘缺特請於太常卿安成劉
公宣致樂舞生鍾福慶錢永通二人來爲之考正
肄習修置籩豆干簋若干外召工範銅爲簠簋罇
壘鉶登爵若干於是器物具備聲文亦稱

涂公自
爲記

余初至罷於庚寅仲春上丁行禮先一日官師集

明倫堂演禮合樂見其儀節有未安者悉更定之
至於樂器雖云視各縣學爲備然於審音叶律之
道未之能也詢之諸生皆言舊傳自太常者久而
寢失今鮮所據依云余惟 國家道化昌明制作
大備

皇上方親定雅樂天地同和當有建言請下直省
各學俾從太常辟廱傳習者其謹俟之乎曩在禾
中嘗視其學音樂殘缺因爲製樂器募俊秀爲樂
舞生與諸生詳核聲律講習儀注督學姜公櫟
按

試特往臨諦聽罷之士大夫亦咸來集朱竹垞太
史有書見及并論鄉賢神主今以資淹洽者覽焉

與佟太守書

見曝書亭全集

秀水

朱彝尊

伏聞執事甫下車首崇學校將有事於釋奠先期
演習樂舞生教以執籥秉翟及上丁躬率校官第
子類宮行禮有秩其序有肅其容鄉之父老謂五
十年來所未覩僕偶滯吳下未獲預觀其盛至於
鳩工修治自當爲邦人倡雖窶且貧不敢辭也竊
念學有鄉賢祠本乎鄉先生没而祭社之典茲傾

圯已久及今不葺將化汙萊祠中主漸剝蝕理宜更作僕考之載記有謂惟天子諸侯有主卿大夫無主則許叔重鄭康成也有謂禮埋重則立主士大夫有重亦宜立主經傳未見大夫士無主之義則徐邈及清河王懌也主之制雖不載於經然衛次仲言右主八寸左主七寸廣厚三寸何休言主狀方正穿中央達四方天子長尺有二寸諸侯長一尺漢書舊儀言帝主長九寸后主長七寸杜佑通典述晉太康故事帝主尺二寸后主一尺蔡謨

言今代祠版乃禮之廟主安昌公荀勗祠制神版皆正長尺二寸博四寸五分雖諸家之說長短不齊要之帝后之尊莫有過尺二寸者涑水司馬氏伊川程氏定爲主式作主以栗跌四寸以象四時高尺二寸以象十二月身博三十分象月之日厚十二分象日之辰今之法式大率準此乃邇者入祠多係封君贈公其子孫富貴利達不循舊章取材舍栗以喬木爲之高或三五尺餘塗以金泥巍然坐先正之上非禮已甚度新鬼有所不安神其

妥於是乎伏惟執事既事修葺宜集其子孫諭以
尺度之不可違令彼更造與先民一式斯禮行於
鄉不僭不濫祭社之典可永無憾矣希執事垂聽
焉

朱子語類有池錄一卷宣城孫敬夫先生

自修所

記也偕從弟自新自任從朱子遊朱子嘗遺書商
確傳訓此編蓋敬夫於其後追錄之者先是吳正
肅公

柔勝

之學一主紫陽嘗教授嘉興御史湯碩

劾其學主朱熹不可爲師儒官坐罷後爲國子正

以朱子學與諸生講習於諸生中得潘時舉呂喬
年白於長擢職事以是士知向學伊維之旨晦而
復明公嘗曰士以大節爲先大節苟虧他美莫贖
故每於行事至否爲學力淺深之驗罹黨禍十數
年畧不少貶詳宋史子叅知政事淵丞相潛僉名臣
至明弘治中有石岡先生宗周正肅裔孫也專志
聖學以明道闢異端爲已任守臨江下車撤三教
坊易曰崇儒聚生徒講學以德化其躬行斬斬卓
然儒宗里門皆嚴憚之少孤篤孝嘗割股愈母疾

數歲毋卒復廬墓詔表其門余嘗溯此邦理學淵源得其大概幸傳而未泯者如此

正學書院之興宛廵守近溪羅公

汝芳

以良知開

示後學前守初泉劉公

起宗

蓋已倡之皆宗王文

成公文成起河津百年之後以豪傑不世之才得不傳之絕學痛彼支離膠滯逐末忘本是以揭本心而使之反求故傳習錄主簡易親切初泉近溪一本其旨而迭主講會如宣城貢受軒沈古林梅宛溪太平周恭節諸公

詳南樓志

其言行出處昭然如

昨蓋未有舍躬行而談妙悟者志傳所載皆可考也余嘗讀羅念菴先生之文當時已浚燭夫末流之病矣其言曰聖人之學在古易成而獨難於今者何也古之志道者專一而所從入者恆不一今之專一以志道者既鮮而問其所從入者恆以一言蔽之夫以一言槩人而不俟其力之所及則入之之難無足怪矣孔門以求仁爲教宐其言無異同也乃克已復禮惟顏子得聞之至仲弓輒易其語此猶二人耳若夫樊遲則三問而三變抑又何

歟譬之於路其至一也而人之居處不一資稟之於道亦猶是也各得其本心者謂之仁此聖人教人入德之門也然能自識其心之所以爲心與卽其資之所近以各得其本心非徒師不能以授之弟子與弟子不能得之於師也卽吾一人之身一日之間亦有不可得而必者而況於人人哉故經嘗不周則改過不密踐履不久則實際不純非忘成心去故智絕多岐而歸一原則吾之本心必不可復其亦可謂艱厲矣然不如是則不足以致曲

而極深以吾之資去道固有遠與近也今不計真
僞不量淺深求簡易者未得其約而先失之輕務
徑直者未得其速而先失之肆矜少得者不能內
固妙元解者不能厚終其亦異於魯論之所載矣

見寧國府
學門記

涇水西書院在寶勝寺之右明嘉靖中建祠王文
成公以王心齊艮鄒東廓歐陽南野錢緒山王龍
溪五先生配與羈城志學書院相望百里間張居
正柄國時與同毀已而在羈者改建城南今南樓地水

西亦復故處皆勝國事至於本朝廣厲學宮人

才蔚起羈邑講席廢興不一余所以甫下車卽首

正學書院之役也涇之士子以修復水西請余亟

解俸以倡又爲引以勸夫好義者攷其始末亦初

泉近溪之遺而是時涇先進則張文學桑查副使

鐸

翟主事

台

徐布政

榜

沈太學

御。

益見府志

儒林懿行列傳

與

與

與

與

與

宣城貢沈諸人會請於是鄒文莊劉師泉邦采錢

緒山王龍溪迭主之中爲明道堂後則熙光樓鄒

東廓爲之記其復也以萬曆丁亥見涇令張堯文

記中有蕭開府相與切劘之云謂蕭定肅彥抑蕭

氏如布政良幹按察雍皆殫精先儒而趙氏父子

封中奉大夫仲全著道學宗師錄朱陸辯粹然一

出於正子大僕健承家學端嚴廉潔刻其父所著

理學正宗行世意水西志中所必詳也貢安國輯趙侍

郎士登服膺薛文清語錄吳布政尙默嘗自言行

已服官無以踰人惟平實清慎差爲無忝鄭太學

岱聞人述許魯齋言雖處千百人場中常知有已

遂欣然會心用力於此鄭一鶚汝薦專志濂洛關

閩之學蓋理學之漸摩於此非一日也萬曆中增祀朱文公爲朱王二先生祠

羈西城內同仁會館明萬曆中建祀羅近溪耿天

臺兩先生蓋祁門貢士陳九龍履祥倡學寧羈宣

城施弘猷沈壽昌章仲輔南陵陸行素。据施氏家風陸當爲魯

涇縣萬國壽寧國楊遜旌德呂堅太平汪有源等

率衆建館九龍歿後從祀而以及門諸子配焉九龍得盱江之傳及門八百餘人所至絃歌不絕晚愛湖北雲山門人置函丈有傳經臺其學闡性旨

與人言迎刃而解今寧太諸羈士人多稱其緒論
云

施弘猷字允升號中明元石峽書院山長璠之後
嘗與鄒南臯焦澹園諸公往復論學太守霜鐔金
公勵訪學行方正之士講學北樓得中明與同邑
章仲輔羅達生太平王心印謂之高齋四子事多
咨度歷數年所言人無知者嘗捐田百餘畝贍族
爲義田金公難之曰生無百金之產而爲范希文
宰相之事子贈僉事啓字曾省孝友好學有父風

詳明史
孝友傳
孫閏章卽侍讀愚山先生官江西嘗講學
景賢鷺洲書院云

楊遜字子順師陳九龍九龍歿廼倡教寧川積誠
以感之士多蒸動六邑講會寧川獨盛皆推其功
呂堅字定夫隆慶選貢判廣信府遷桂林府同知
歷官循謹廉儉私居必整衣冠嚴坐以忤時貴左
遷周藩長史王嚴重之中州賢士多從遊其門
汪有源字惟清年十三從杜朱川講孝弟章輒喜
曰孝弟吾分內事杜驚曰孺子便作身心語真可

講學師祁門陳九龍受羅盱江集有得在金陵數
主陽明祠與焦澹園周海門鄒南皋楊復所高景
逸諸公論學晚歲於邑中結歸源會云章曾萬
三人關
羅公祠在景德寺卽志學書院西宛陵精舍之致
道堂也萬曆己卯書院改理刑公館後改建城南
仍別祀近溪於此今寢圯

寧國明德書院一名鳳山書院在儒學東正德丁
丑邑令王時正建萬曆己卯改委官行署 國朝
康熙丁巳邑令馬光改建西津書院

太平文峯書院在縣治南中祀周程張朱五先生
嘉靖中邑令丘振建萬曆中更名天都書院己卯
改迎恩公館續復明末圯國朝順治辛卯令陳
善政重建

右余歷考書院廢興必詳當日講學及建置姓氏
所專祀配享何人歲月皆有紀蓋重乎道之明且
行未墜於地而在人也自朱子以來寧黜數百載
風尙畧見於是矣今奕然昭著蔚爲儒宗者志乘
猶不過書其梗槩况其隱約無述者又未嘗無之

計當時大會六邑千百人中聞雅歌絃誦之聲趨以采齊行以肆夏請業請益高下淺深各有授受而歸本身心稟諸言動不識興起者更當何如惜夫不獲周旋揖讓其間也蔣季虎典具言施侍讀自豫章解官歸復振同仁講會羈司馬縉雲瑚山鄭君載嚴臨主之老儒則有魯巖若與姑孰王便樸爲之解發開悟季虎偕徐龍長輩數百人辯證其傍嘗力募修此館未幾治羈有與鄭異志者事寢格余聞之惋惜今不及爲之計亦無從析其異

同也

余曩官樞李時嘗修魏忠節公

大中

祠堂拜其畫

像公子貞孝先生

學涉

附焉同時被難諸君子則

黃忠端公

尊素

初仕寧羈推官入爲御史者也意

當有祠於茲訪之不得攷定祀典於府學拜陳靖

獻公

廸

祠明建文朝禮部尙書死最烈文皇將殺

公先烹其子鳳山丹山鼻舌強之食公吐唾罵不

絕口或問甘否曰忠臣孝子之肉何不甘也刑畢

無敢收塋其僕侯來保竊公骸潛塋之羈城外計

家橋幼子徙山東後人多有登第歷顯仕者

施侍讀愚

山視學山東有陳尚書祠詩其序云公殉建文難族且盡一乳媼芮氏竊公襁褓兒逸諸竇中既八歲媼且死泣曰子陳氏兒也我不言誰知者事遂聞時文皇怒稍解詔戊登州四世而侍御公鼎以直顯尚書公其學繼之爲登右族時燕府教授俞忠愍公逢辰以

泣諫靖難見誅初燕王密謀舉兵公與長史葛誠頗預聞稍洩之王自京歸國稱疾大暑圍爐曰寒甚公告藩閫曰王本無恙勿懈防恐一旦不可測公之授命燕邸與南都方練齊黃其義一也萬曆初有詔立祠今東門內俞公祠是

城南有元汪文節公

澤民

祠公延祐戊午進士以

禮部尙書致仕長鎗賊鎖南班等犯宣城或勸公
去之公曰昔江萬里寓鄱陽我軍逼城衆皆走散
猶坐守以爲民望况宣民離合視吾去畱夫何之
城陷不屈歿其生平詳宋潛溪集汪公神道碑塋
在黟東南嶧山之麓知府事余公觀治墳建祠三
原王端毅公恕爲之記以上三公皆宣城人

敬亭七賢祠見前明吏部尙書張藐山

慎言

附祀

公山西陽城人南都旣下流寓宣城邑人高其風

節故俎豆焉事蹟詳明史列傳其從孫督學泊谷

先生

秦交

按寧乃祭廟勒傳於碑山之南則姜公

塚

塋處也山東萊陽人學者私諡曰貞毅祀七賢

祠崇禎朝禮科給事以建言廷杖謫戍宣州衛未
至而明祚訖公以君命在有死無二甲申後遂不
復東

由毘城而南二百餘里涇之烏溪有桓公嶺焉晉
內史桓簡公彘拒蘇峻灰之事詳晉書嶺上有公
墓墓側有祠久圯余以事至旌德過此下車拜焉

以是祠不可不亟葺也捐俸行涇令賈君重修既

成移令致祭仍肖俞將軍縱像以配縱涇人也守

蘭石以戰歿

按魏志於忠節載縱宣城人又有紀世和收葬桓公遺骸於苻裏鎮俱互

異桓公祠在涇縣西五里湖山下者宋令李定有

記其祀於墓所碑載葉侍御永盛修莫詳所始公

列師蕪湖退保廣德乃屯涇縣賊將敗縱進攻涇

益急是必韓晃由東南抄掠山谷轉鬪以北故蘭

石爲涇之門戶縱歿於是無疑而舊傳公墓在嶺

上涇先正王巖潭廷幹桓公祠文亦云桓公嶺爲

死難之所湖山則其報享地意其必有徵也宣城
城北五十里所謂東門渡者有公墓則去涇愈遠
公旣屯涇正合與城存亡疑湖山烏溪猶可信耳
余至南陵見東街有祠二問之一曰孝感祀晉孝
子何公琦一曰忠義祀明僉事吳公景皆其鄉先
生也孝子事見晉書僉事弘治中進士官四川按
察使賊藍鄙擾川東公守江津援兵踰期不至城
陷死之有司春秋致祭初配以邑人張國岡後國
岡移安賢寺寺始爲講學之所故祀典有司主之

今僧徒但知有開化寺祭田亦分經久難復矣
韓昌黎有示爽詩云宣城去京國里數逾三千念
汝欲別我解裝具盤筵日昏不能散起坐相引牽
冬夜豈不長達旦燈燭然座中悉親故誰肯捨汝
眠念汝將一身西來會幾年名科拚衆俊州考居
吏前今從府公召府公又時賢時輩千百人誰不
謂汝妍汝來江南近里間故依然昔日同戲兒看
汝立路邊人生但知此其實亦可憐吾老世味薄
因循致畱連強顏班行內何實非罪愆才短難自

力懼終莫洗湔臨分不汝誑有路卽歸田按此則
公嘗家於宣甚明也公父仲卿爲武昌令終校書
郎公三歲而孤隨伯兄會會以事責守韶州卒貶
所會妻鄭夫人塋之河陽建中二年成德魏博山
南平盧節度相繼亂故公從嫂鄭避地江左其祭
鄭夫人文云避地江濱朱子考異注云家於宣州
祭十二郎文中年兄歿南方從嫂歸塋河陽旣又
與汝就食江南與此詩皆合惟不知爽爲誰公子
姪無名爽者昔人疑爲湘小字湘與滂皆老成之

子率府參軍介之孫介生二子曰百川曰老成

卽

二郎而會無子以老成爲後其後百川歿公乃命老

成之次子滂歸後其祖介中間年之相去無可考

祭十二郎文云弔汝之孤又云汝之子始十歲而

此詩云念汝將一身西來曾幾年疑公自貞元二

年至京師後四年一歸視老成公佐汴徐五年中

老成一再至而不果取孥故公有河之水二章老

成歿於江南其孥未歸公取爽西乃其最後故云

汝去江南近里間故依然也公貶潮州行至藍關

示湘云知汝遠來應有意好收吾骨瘴江邊宿會
江口又有示湘詩湘以長慶三年登進士第公之
子昶長慶四年進士第而公之卒在四年十二月
二日爽果卽湘意其得第來宣爲幕僚之屬故云
名科揜衆俊又云今從府公召至云昔日同戲兒
看汝立路邊是鄭夫人老成爽三世畱宣城久矣
觀公復志賦惟中原之有事兮將就食於江之南
始專專於講席兮非古訓爲無所用其心最公少
時故世謂宣城韓氏別業爲公讀書處學成始去

其俎豆於斯宜也又按鄒文莊韓公別業碑記則專祠之立在正德戊寅石崖林公以韓氏舊址莫稽乃擇敬亭之勝撤佛氏像而祠之未幾翠雲僧徒私崇其教而徙公於旁舍嘉靖己亥白坡何公南岡曹公相與更新榜曰唐昌黎伯韓先生之祠又於山麓設綽楔曰昌黎別業今皆廢余始至謁七賢祠則瓦礫荆榛不可成禮仰視神主公蓋合祀焉亟謀葺之閱三月乃成爲設祭而以餘力修雲齊額珠俾復舊觀

別有修七賢祠記

昔有言公排釋氏

而顧寄釋氏以居神其饗之乎余以是祠爲宣人所立而敬亭則宣城山水之最勝七賢輝映千載同歆釋氏何與焉且主之者爲黟守縣令與僚屬崇賢宣教有裨風俗非獨好事爲遊觀點綴而已蓋余遊歷吳越間琳宮梵宇多名賢尸祝其間不獨敬亭也

重修敬亭山七賢祠記

宛故有七賢祠在敬亭山舊祀南齊謝公元暉唐李公太白韓公退之宋晏公同叔范公希文而益

以明末陽城張公藐山萊陽姜公如農或推宦蹟
或號寓公或少而浮家或終焉埋骨率耽情於丘
壑之邃美寄興於風泉雲樹之幽奇所謂千秋萬
歲魂魄猶應戀此者故祀之敬亭云爾而予於其
間不能無惑者攷宋史晏公本傳知應天府延范
仲淹以教生徒范公本傳亦云晏殊知應天府聞
仲淹名召置府學是范公教授應天乃宋徽宗京地
距江南甚遠不知何據加以宣州教授之目而企
列諸祠蓋從來郡邑之志牽率傳會而俗本通鑑

繆以教授應天爲宣州與正史牴牾竊意范公嘗
判廣德是中山川詎無曾經眺覽者乎况夫賢者
官其地風聲所播遠近皆薰其澤宛與廣德壤相
接也則范公之祀何必不在敬亭耶嗟乎自有茲
山以來代凡幾易疆域建置凡幾更達官遷客勞
人韻士登臨觴咏流連而憑弔者凡幾輩而敬亭
之名至元暉始大顯方其高齊視事之暇雙旌五
馬按靈異而問丹梯賦田賽雨爲民社福自合沒
世不忘其餘數公皆因其文采漸被德望夙絕邦

人尸祝亦如仲卿之桐鄉鉅平之峴首遂使敬亭
一峯聲齊五嶽又不獨劉夢得所云宣歙謝公一
首詩而已地顧不以人重乎哉比年廟貌寢頽雀
鼠穿穴蔓滋蟲篆几筵僅存予過而慨焉於是捐
俸重修屬宣簿宋廷光董其役三閱月而竣工櫬
桷頓新馨薌增肅七賢有知其欣欣而樂康也必
矣因論列祠祀之設於敬亭有非漫然者用告來
茲庶常葺治之以期於永久傳曰人之欲善誰不
如我則夫抒懷古之情存不刊之烈繼起之君子

諒有同心也夫

白樂天元和中寓宣城與侯權秀才俱爲宣州守
所貢明年擢進士今隄志選舉流寓悉載之而選
舉云貞元闕年長慶集有祭烏江十五兄文云宣
城之西荒草道傍今城西有白府君墓夫太白昌
黎皆以寓公祠祀敬亭不宐遺州考貫籍之白傳
齊梁風流相繼卽江文通亦嘗後謝公守隄若以
江本集不言宣城則晏元獻有出知宣州之命數
日卽改大名范文正但判廣德豈非以人情景慕

故欲位之山水間耶然則職官志既有江淹復奚
疑焉至附祀姜張二公嘉其忠貞則文信國之遺
風餘烈未亾也信國守羈越月召還昔有專祠在
宛陵驛故址尋亦久廢余力圖修舉而以憂去官
矣竊爲此末議以俟賢者博訪故老叅定祀典請
增祀三公名十賢祠或亦非盡強合者與然余究
以祠址陝隘無左右个門序堂室無次第僅容樽
俎欲鑿祠後山腹以廣之而未遑也

宋呂獻可嘗爲旌德縣主簿後滕德章官此作景

呂堂自爲詩當世知名之士屬而和之朱子爲跋
云滕德章寄此冊來求景呂堂詩余謂後學宗慕
前輩而表其遺蹟固爲美事然默而識之求其所
以至於彼者而勉焉可也何以詩爲哉至欲傳之
久遠使人不忘則德粹之記諸公之詩已足垂後
矣亦無待於余言也乃書其後而歸之

滕璘景呂
堂記大畧

云予觀中丞呂公歷事三朝徧居言職其於國家
之大典禮大謀議侃侃諤諤雖黜不悔忠肝義膽
有歿無二固非常人之所能髣髴若乃抗論荆公
於登用之始而逆陳其禍患之必至雖司馬文正
猶服其先見而自以爲不及焉嗚呼公之識慮深
行焯焯如是吾意其中之所養必非一日之積當

其貳令於一邑其治民主於愛利而疾奸暴則嚴
大抵槩以公平有如溫公之所誌者宜必有可傳
於世德章句稽之暇試一訪之亦足以是則是做
而求無愧於今日名堂之意矣毋徒慕其名高其
節而反忽乎其初也

按呂公誨正惠公端之孫以慶曆初爲茲邑簿
至紹興初滕珙德章來爲是官記景呂堂者其
兄璘德粹也滕婺源人宋時旌無丞故
記云貳令景呂堂詩今惟傳霍權一篇

宋丞相文信國公嘗守寧國府越月召還蓋咸淳
庚午也朝命旣下公臨四郊與耆父老告語作勸
農文并序云太守到郡踰月被命造朝辭免不允
且旦夕去矣猶以職事得出郊與爾農父老告語

一次記李莊簡公會守此土後有一帖云僕頃守
宣州今已二十八年東望雙溪疊嶂之勝感歎而
已因見諸父老爲祝率勵子弟爲士爲農仰事俯
育爲忠爲孝戮力以事田疇先時而畢租稅立身
揚名以顯父母是所望也李莊簡去任已久尙拳
拳宣人如此今太守與爾父老方此相處遽然去
之其拳拳又可知因取莊簡公意衍爲勸農五歌
以寓戒酌酒與爾父老誦之爾父老其轉語鄉曲
子弟能從吾戒而不爲惡卽能從吾勸而爲善他

曰太守在他所遇宣人必問曰爾父老安否爾農
會從吾勸戒否爾等尙勉旃以副太守去後之思

第一勸爾勤耕作布種及時休落魄惟有鋤頭不
負人飽食煖衣多快樂第二勸爾行孝弟敬重
爺娘比天地前人做樣後人看滴滴相承簷溜水
第三勸爾教子有子讀書家道起若還飽煖
不知書千萬莊田不禁使第四勸爾常修善糴
米救荒極方便但從心上做陰功管教兒孫多貴
顯第五勸爾了王租莫教人喚做頑都年年早
納早收鈔那有公差來叫呼第一戒爾莫謊狀
須知官府難欺誰從來反坐有專條重者徒流輕
者杖第二戒爾莫避役既有田園那避得今朝
經漕明朝倉到底費錢有何益第三戒爾莫虐
追磨刀使棒欲何爲有事到官猶可說殺人償命
悔時遲第四戒爾莫無賴故殺子孫罪名大縱
逃人禍有天刑害人不得反自害第五戒爾莫

奪路做賊不休終敗露斬絞徒流此中來能得幾錢受此苦

明隆慶中隄守王公嘉賓演刻文丞相此辭告誠父老亦猶前賢不自有而推本於李莊簡之意也信國下車甫一月去而拳拳於斯所言皆切要明白易曉倘吾民能守此以教子弟可使衣食足而禮義興矣拒追奪路太平之世所無意爲當日民風而設然國家名法皆以明民使知不麗於刑罰如故殺子孫一條戒民毋鬪毆殺傷也言卽使子孫亦坐故殺罪况他人乎何弗因之克類至盡以期束修自好也哉李莊簡公名光資

政殿學士其守穉以建炎三年治行具宋史云

國朝纂修明史諸翰林遭逢聖明選自鴻博又

賜今之良史四字以光寵之大學士崑山徐公
領監修時寧羈載筆者施侍讀高檢討二人亦盛
遇也嘗見侍讀修明史議蓋方在史館作其言詳
慎明切浚以不虛美不隱惡成一代實錄爲難余
與客論吾學編從信錄通紀及灼中志諸書因舉
靖難復辟大禮及妖書挺擊紅丸移宮數大案當
時事勢决裂至今令人感慨雖君子之心昭然日

月而勝國元氣鉤黨機牙三百年來摧殘之餘重
以糾結至鼎覆社屋而後已此亦天也余觀寧羈
文獻變故之秋皆見士節靖難陳俞二公旣皆祠
祀於鄉史傳具著本末間考奪情起復明輔臣若
此者三人李文達之逐羅一峯已爲名相重累至
江陵武陵不可言矣而抗論不屈者前則少林修
撰後則睂生徵君沈氏世有人焉然世變愈亟人
心愈非兩先生立言亦各有所主蓋修撰長太息
於承平軌敝之日以國體風教爲慮而徵君痛哭

流涕於危急存亡之頃以國威挫民生殘救焚拯溺爲心者也君正倚馮保出新鄭志在攬權當神宗冲齡以君德未成爲之說言者謂輔臣方欲致君堯舜而不奔喪不讀禮先已無親朝臣又曲承風旨上章請畱居正遽覲顏自陳但假治塋是一居正不足惜所惜者傷國體而壞風教也故宣義士吳文臺仕期作擬上江陵書云願相國爲天下第一等人毋徒爲天下第一品官修撰與張嗣修書亦云在老師不得爲純臣在門下不得爲諍子

嗚呼望之爲純臣猶以第一流處之也居正貪祿
竊位人也其齟齬吳中行趙川賢諸賢以爲將扼

之吭而奪其食獨不解諸臣請畱者何謂也修撰
一疏不圖爲內閣所抑脫其得達亦惟有拜杖已
耳其移疾飄然要豈獨疚心一居正哉傷中朝之
無人而諂諛者至茂天親於不問也雖然居正枋
國猶稱救時之相使其處嗣昌之時將金革無避
之說難假之以遂其私度猶能奮身一出誓勦流
寇自効嗣昌何如人也崇禎之世事何如棘也乃

委一關冗恒怯之熊文燦以撫賊邀上賞而已特
高枕禁近玩門庭之寇不亟翦除可謂之金革無
避乎彼無居正之才氣膽畧而貪祿竊位甚於居
正且居正奪情每稱內批天下皆知有竊弄天憲
之罪愍皇英果雷霆摧折之下於廷臣獨眷眷一
嗣昌故有謂嗣昌當終喪者卽以爲此代狐兔去
鷹犬者也豈知其深藏固穴轉驅赤子爲梁肉恣
賊飽噬而無他伎能哉夫同一流寇也人主視之
狐兔也天下患之虎狼也嗣昌畏之亦虎狼也委

文燦以撫獻賊是使嬰兒持梁肉飼虎狼而欲其
弭首帖耳也是誰之過與徵君逆知其必誤國也
三疏爭之蓋爭者撫與勦之大機宜不專在起復
與不起復也論者不知嗣昌非辨賊之人而以奪
情爲權宜濟變之計余有感於修撰徵君之事故
反覆叅觀庶幾悉其同異焉居正憾修撰而龍宗
武胡櫛以羅織下文臺於獄欲使連修撰文臺拷
掠無完膚卒不使被誣枉

蕪湖人王律爲僞疏得旨罷居正一紙刊行宗

武誦仕期有擬上居正書遂見

嗣昌憾徵君而與

誣密囊沙夾獄中人皆寃之

文燦喪師辱國俱前歿福藩擁立阮大鍼用黨錮
必欲殺徵君以徵君劾其妄畫條陳鼓煽豐邑故
銜之徵君變姓名避蹟婺州以免何小人之相黨
護不可測耶雖然適以成君子之志節耳

明季三案紛爭大概自憂危竝議波翻風煽所致
旋有魏璫之逆毒流縉紳士大夫生斯時不潛鱗
戢翼必至蹈湯赴火東林諸賢以名節風裁倡率
天下而復社則東林宗子也雖其中不無希風逐
影竊名敗行之流爲之領袖者實皆有東漢杜李

諸賢之遺意然衣冠之禍亦烈矣南陵劉工峯有
源四朝臺臣明決忠厚見崇禎改元起廢諸賢報
復過當乃歎曰國法非人臣所私况英君不可導
使手滑時以爲名言

王新城論明大禮有云楊文忠廷和以下君子也
皆不負孝宗因及歐陽永叔賢者也爲濮議乃敢
於負仁宗余謂張璪桂萼以兄終弟及繼統與繼
嗣不同當時士大夫以孝宗德澤深厚正如宋之
仁宗三代而降漢文景外不多見不可使之無後

然無以回世宗之私恩奪張桂之強詞者何也正
在於有不負孝宗之嫌介於其際耳張桂之意以
爲寧負在天之列宗不可忤當陽之新主故廷論
則顯稱天下者高皇帝之天下折諸臣言當後孝
宗者而隱動世宗以爲人臣者不怠孝宗使陛下
爲人子獨怠與獻陷君不孝翹已之忠所以其言
易入也蓋嘗觀大禮或問其隱曲有不可掩矣曩
與客追論及此以爲昔之廷詰張桂者直當云初
謂二臣昧不知有高皇帝耳今固知之請卽與陳

高皇帝傳天下之法夫孝宗非高廟之大宗乎二臣之言繼統非繼大宗乎禮大宗歿族人爲之服總大宗無後則族人之子爲之後興獻之事孝宗分則君臣宗有大小若之何可以二統奪宗也旁親入繼自帝所生是絕大宗矣諸侯卿大夫之大宗猶不可絕況帝王家天下可無大宗乎張桂必曰夫興獻猶高廟之世孫也何不可宗則當詰以武宗大漸設命出金符召昭穆在諸子行者爲之後卽繼嗣與繼統合爲一人於興獻奚與焉惟其

自克私愛特畀聖明以膺天地民物之寄人臣安
得進邪說以干宗也禮凡爲人後者爲其父母期
爲其私親皆降一等私親之爲之也亦然此則宋
濮安懿王之子養宮中稱皇子與今日事不類諸
臣稱引固非二臣亦安得借以間執其口也如此
則有高廟自不可無孝宗矣但欲世宗知已未嘗
父孝宗何嫌於忘與獻而高祖之天下必不可
有二統也柰何必請帝興獻使於孝宗爲不臣於
高帝爲支庶奪大宗也哉偶見南陵王隱君

學箕

持論已及之并錄於後

王禹疇文集明史論云世廟大禮當日議之詳矣大

約持大宗者於義爲正伸私情者於禮爲頗雖然
貴爲天子而不得以尊其父富有四海而不得以
養其母義伸矣於情豈安議者旣不爲世廟體人
子之所安而又無古義以服世廟之心此正其授
張璪桂萼以邪說可乘之間而諸臣坐得持議之
罪也璪萼之議曰陛下遵太祖遺命兄終弟及非
爲人後者比夫所謂兄終弟及者正以天下者太
祖之天下必明統系而辨本支不使旁親亂宗法
也豈曰置大宗之後不續而可自爲一宗也按漢
宣帝以武帝曾孫得立則戾太子爲嫡祖而昭帝
爲繼祖戾進戾太子史皇孫而不後昭帝矣乃宣
帝止稱史皇孫爲皇考而未嘗崇帝號其於園寢
但稱戾園悼園而不廟於京師則豈非身後昭帝
而私親不得爲大宗故耶又按漢光武奮起草萊
以繼舊服雖曰中興實與高祖同一創業則自爲
一宗而自父南頓君以上崇稱顯祀以致其尊親

之意夫豈不可而光武不然也太宗則高祖而下
斷自元帝而四世親廟止令郡縣侍祠而京師不
爲立廟光武豈薄於所生哉義固不可絕大宗而
隆私親也今世廟之繼尙非光武正與宣帝同耳
議者不援宣帝光武爲類而用濮安懿王之說夫
宗實當仁宗在時已有宮中稱皇子與世廟絕不
類此張桂所以得奮其邪說以取
富貴而諸議臣無所逃於罪也

天啓時崔許投魏璫以傾衆正當時點將錄外廷
不知而密用此術一網打盡然至今指其姓名猶
艷稱之迨我 聖朝社事禁絕中外廓然僉無門
戶而往事流傳尙論者亦以君子同道爲朋其氣
諒可想見新城王公舉其先人名在復社叙次津

津胡公茗山

會恩

以父前給諫今封尙書公誌銘

見示故東林也寧羈復社中三十三人宣則沈睂

生

壽民

梅朗三

朗中

鍾百里

震陽

麻孟璿

三衡

沈

治先

壽國

徐俶子

貞乙

徐乾若

律時

涇萬道吉

應

隆趙維生

司直

鄭魯生

汝敏

諸君子而睂生朗三

道吉尤爲時睂目近梁溪楊學山以星曆之學邃

深該備見推梅勿菴余詢所從受云得諸大父孝

廉仲武翁

紹祖

在余羈齋一日見耕巖之孫相與

語則兩家祖皆前徵賢良方正者也明資格之狹

莫陋於專用進士初時人材楷書皆得仕有至大
官者後雖曰三塗並用實惟進士一塗耳至於末
流國事日非欲圖共濟然後有保舉徵辟之曠典
亦無及已要之風節可傳者其人自足千古生民
秉懿之好人人所同又不獨賢者之後矣客因言
梁孝廉儀武于淇官粵西得桂林元祐黨籍碑蔡
京原書石本見溫國潞國下載曾任侍從次蘇東
坡第三十七人徐勣南陵人也喜甚搨以徧遺同
鄉人蓋京所書因劉逵以星變請毀自端禮門至

天下州縣無復存者而桂林以摩崖特完故重定三百九人之姓名具在焉但尾附章惇故亂之京之譎智如此融州真僊巖有一碑宋嘉定中沈暉刻暉曾祖千名在餘官中故勒原文以昭於世先是京欲爲此碑劉拯言不如以事爲輕重而隱其名京不悅然使用其說則京醜正之罪終不可掩而此三百九人者轉有傳有不傳矣復社姓氏櫛李士人家藏一卷朱竹垞太史就而攷閱其在錄者凡二千二百五十有五人

風教之興自其鄉士大夫始昔之所傳襄陽耆舊
吳中先達皆以示後來觀法也祀附瞽宗義最嚴
重而俗相沿以至冒濫於是有不應祀法而得祀
則又有應祀法而不得祀舊志稱刑部尙書華陽
徐公之正氣偉伐工部侍郎重夫徐公之儉德清
操翰林待詔王甫貢公之博雅方正皆卓然里中
典型乃不與祀典真爲闕事余議舉三公與沈徵
君耕巖先生同補請崇祀而未及行也始爲羈之
二年嘗一表南陵劉氏工峯父子之墓下邑令方

君文字有云隄守職在風教今采訪輿言得故明

進士觀察劉公

諱

有源立朝居鄉大節與其子歲

貢生

諱

蘭生

皇贈通政司右通政高踪懿行既

皆崇祀鄉賢所宜表厥墓門以華道路使過者知
名臣世德焉其以所發銀若干伐石礪碑卽照題
字大書深刻金署該縣名氏以著同官斯土均有
率俗之義嗚呼禁隴頭之樵採柳季未亾重原上
之畱連隨會可作遺風餘烈百世以之

避蹟錄者沈耕巖徵君流寓婺州軼事其孫廷璐

按討於旣歿四十年後而浦江傅晉初哀集梓行者也余考徵君起賢良方正劾楊嗣昌不報歸明
亾隱居著述黃山避也卽姑山亦避也其變姓名
居金華蓋跳而免阮大鍼鉤黨之禍滄桑旣變雪
覘隨消而山高水深之處隱隱有故徵君在焉空
廷璐哀慕如新而嫠人亦爲之欷歔欲絕也故老
稱徵君六子皆立名義曰洙字公浚徵君在嫠亂
峯叢箐間侍養惟謹曰鑑字公湛時甫十歲徵君
以屬外家曰挺字公厚方齟遂挈之行徵君在嫠

九年始移家黃山久之歸姑山皂帽青衫窮餓以
卒公湛嘗徒步負徵君年譜乞吳門徐昭法爲之
傳公厚遊粵阻逆藩亂遜楚中登南嶽諸峯不可
蹤蹟一如婺州時初海氛闢入內地訛言相煽事
定多罹其咎空山堅臥者徵君一人而已觀諸子
於君親大倫可謂善體徵君之心者然則是錄固
冥鴻遺蹟至於舒卷行藏人終莫得而窺之也矣
正學書院之側重葺孝子祠詳南樓志又考舊載羈志
者六十餘人補羈志未載者四人合祀焉凡以使

來者觀感興起庶幾子與子言孝也真能孝者無
有不義同氣分形兄弟手足之愛自五服至袒免
皆祖宗一體義以廣孝孝與義可岐視哉余於羈
中約舉數人如劉孔昭芳顯志稱遊京師歸罄三
十年資塋祖父母完諸弟婚且婚從弟以延叔祀
宗黨義之沈畊巖徵君文集有書墓祭冊子述其
父遺訓曰爾曹不聞城南劉伯子乎誰守歲勿家
顧挈羣季襁被宿墓下至正旦稽首其先人始去
也孝子哉徵君書末云劉伯子謂孔昭先生夫闇

然質行也至賢者引以爲家訓而述之津津若此
嗚呼夫乃眞孝義也已又如後我振有聲性至孝

父病徧走羣望請以身代不瘳刲股和糜進之父
病良瘳後母攫危疾倉皇療救弗及哀毀幾滅性
叔父早世其配魏氏苦節六十年爲撫諸弟俾能
成立具貞節本末上觀風使者得請旌篤念宗人
賴以舉火者甚衆此二家子孫世獲科名遺風亦
未艾云間與客訪毘中義門無間於富貴貧賤喪
亂安寧南陵秦氏明洪武初以鄰家罹重法連坐

有本七者代兄戍陝之莊浪衛遺幼子三歲於家
夫婦走戍所作行路難寄歸其詞淒切里中至今
傳之秦氏貴盛者皆本七三歲兒後也僉事

仁管

督學

才管

使關中祭墓收族焉丁侍郎鎡之孫楨

代兄子涿承歿獄覲延兄嗣邑令胡文靜憐其義
白於監司釋之此急難之義而安寧有不如者也
客復舉施愚山侍讀之事叔父砥園梅桐崖中丞
之事兄子居方位齋太史之事兄開文具述其事
僉終身嚴之若父不二於生歿此則不知有富貴

而其義轉貧賤所不如者也

吳越間故家義田久者平湖陸氏宣公遺也蘇范氏文正公遺也余讀范公父子文集見歲寒堂記義田規矩嚴密蓋兩奉朝旨勒成幾如令甲綦難哉劉光祿蘧菴以二千金置義田亦立約聞官嘗以白余見所畫皆井井士大夫宦成日視力所能勝設誠而致行之以敬宗贍族可謂善矣

紀述家有傳例如名臣與宦業儒林與文苑雖其該備必各從所重猶諡法之節以壹惠也余在廬

咨訪遺老則聞有三進士者身非隱逸而有泉石
之操名殊獨行而厲孤高之節衣冠望之若甘露
明水畧不淆濁爲劉孔安

維仁

吳聖水

六一

張清

源

湛逢

其始得第同仕爲守令同歸田高臥無竿

牘公府同擁書萬卷日午或無炊爇亦同也劉事
載舊志宦業傳中但云歷知錢塘鉛山魏縣吳守
福州張宰臨晉見選舉而要其居鄉風概如是則
於爲政必潔已愛民無疑也三君子去今數十年
鄉人知尊尚之久且弗諼又豈待以紀述傳哉

新城王公云寧都魏叔子以古文名世余觀其地
獄論上中下三篇殊非儒者之言宣城吳肅公晴
巖街南集文品似出其右而知之者尙少余初至
羈呂元素侍郎方以御史典黔中試歸有書見及
因問晴巖起居荅以剩夫遺老不復可作矣羈人
又嘗言吉水李宗伯視學時先介新安羈司馬曹
實菴將造其廬竟爲鑿坏之遯商丘宋公撫吳知
其方就姜仲子學在貞毅公子居吳門商論著述乃密從
學在迹之王文恪祠晴巖之高蹈二公之好賢皆

不易得也

施侍讀愚山慷慨篤友誼嘗刻其故人顧與治邢
孟貞詩集恤楊商賢而爲其女擇婚士人鄒流綺
以著書獲罪貽書當事力救之然生平不名一錢
萬道吉孝廉侍讀以耆舊事之者嘗荅其書畧云
某老逐風塵首丘莫必而先生以孤孫見托舉朱
張心許之義望諸三千里外未歸之人所云薄田
千畝某仕宦三十年饘粥之資猶未及先生之半
也先生何至以已之有餘需救於人之不足哉余

交公子孝虔因悉公生平赴人緩急未嘗以貧辭
居官廉謹獨以詩文宗盟望走者若玉帛職貢絕
不輕受餽遺亦不問家人產晚改官翰林以方纂
修明史未敢乞骸其荅萬孝廉念欲任文季分宅
之事而勢有不能也自公歿京師垂四十年而孝
虔益貧且老饑惟煮字熱不因人名賢之後風致
落落乃爾蓋世胃中之絕可念者矣

王新城爲副都御史值諸御史內陞外轉之期時

于公振甲

成龍

涖總憲任甫三日

上在暢春苑有 旨下詢于公以問公公曰臺規
內陞皆論資俸近多越次躐陞徒長奔競無益勸
懲今河南道常翼聖有才京畿道梅鋐有守而資
俸俱浚內陞之序當首常次梅則公道明人心服
矣明口 旨下常內陞梅繼之王公自記嗣梅公爲副
都御史奉 命撫閩中

上御書攄誠信三大字以 賜王公居易錄亦紀
此事誠以知臣莫如君而梅公之守始終不二故
同朝大臣樂相與稱道之梅公後以兵部左侍郎

陞都察院左都御史罷歸居曹塘不一入城余特
造其廬惟圖書滿架四壁蕭然爲嘆息久之公歿
其家無以治塋故羈司馬郭見齋有輓詩云黃金
未足遺親串華表仍憂累子孫諸子至告余貸官
錢僅而襄事迫余修宣城縣學增置鄉賢祠乃昌
言於學宮梅大中丞清節朝野皆知首當崇祀士
論翕然遂具出處本末申請督學林公與總督
公廵撫

公會核俱允入祠

從叔能言公會守此羈余至之明年公自安慶別

駕解歸憇止後圃俯仰之際未能無情太夫人一杓一盂必親調之委曲以適其意每追念襄垣公張太恭人遺事後人蹉跌若此天道何從知也蓋叔祖聚廷公諱學詩以貢士爲山西襄垣令姜瓖之亂死守孤城賊攻陷遇害太恭人匿叔乳媪武氏家以免伯祖鎮朔將軍從大同提軍破賊始得相見誅賊首沈姓者剗心祭畢而太恭人投繯逝矣叔起家州牧歷典大郡有惠政其在宛以清淨持大體與民休息顧前守南寧失察註誤左官故

太夫人重悲先烈形於喟嘆耳特是叔已暮年將北行而獲聚於此未始非家庭之樂宦遊似海又有難得此懽會者矣庚寅八月

列女傳昉自劉向作史者因之卽羈邑志載節烈尤備考寧羈有陡門婦者不知其姓事與淮水露筋女絕相似又有孫氏未笄歿亂兵三日猶抱松不仆人呼爲抱松女撰志者謂采覈見聞節烈可書殆若繁星悲其良苦不忍過削真仁人君子能立言者也余嘗見劉光祿蘧菴太淑人趙節母行

述叙次可感而觀風使者爲請旌在光祿孝廉時
後節母登大耋膺累封未始不爲劉公慶先大夫
人游被 覃恩就養在郡余幸承懽子舍不敢道
及粵東事惟歲時嗚咽屏處追悼先大夫一日方
子問石出其父位齋太守遺文有報趙學使書論
崇祀貞烈反覆數千言大意謂凡節婦受封 例
不復旌者蓋世祿貴顯之家婦人早歲得承誥命
夫歿無改適不得更與委巷匹婦爭天家寵靈也
若其志行之苦似當無問貴賤概與表揚而輜軒

動以引嫌謝絕其與重朱門而遺白屋者均爲失
中余詳詢知位齋二歲而孤其母李太恭人苦節
雖及見子成進士數月捐幃以 南巡恩得贈

例無復請旌典故告哀當事其切若此今余不幸
先太夫人見背乃嘆寧國十年之樂短不能忘粵
東萬里之憾長也白髮冠帔之幸淺不能解青髭
衰麻之創深也嗚呼先大夫沒長樂官舍

賦偉

甫

六歲弟

俊

且二歲耳以長以教以至稍稍有立今

太夫人年七十有九獨不能憊遺數月得稱八十

觴故同是孤子同事節母而飲痛各有難言也去年夏羈紳士梅勿菴鍾端亭諸君將徵詞製錦爲壽屬沈子元珮爲啓余未及見今讀之淚潛潛下不能止蓋元珮館署中數年余嘗縷舉告子姪因耳熟焉如啓所云噩夢宵微護花遽隕驚飈晝起梁棟旋摧先大夫以哭先祖母屢絕旬日遂不起太夫人痛欲捐生誓以從死既而念天南冀北將一室之安歸嶺嶠江關藐諸孤其疇託磨笄截髭飲泣銜哀乃於毀瘠苦塊之時旋作料檢舟車之計奈門空羅雀誰

爲元伯之巨卿臂輒鷂鷹孰是李元之阿善望燕
雲而遡返長路悽寡鵠之聲指碣石以言旋孤舟
咽啼鵠之血繫千鈞於一身任難若易歸雙櫬於
萬里履險如夸某等猶有感焉所尤嘆爲難者今
夫牛衣貧媼幾能戶牖綢繆馬磨窮發詎免錢刀
嗇縮卽能抱孺子無恙亦安期異日有成且或境
鮮枯菀之相形卽一室蕭條而亦可人無榮落之
異視縱三時隱約以何妨乃太夫人運邁閔凶而
葭莩盡繡戟牙幢之族身乃經盤錯而里閭皆鐘鳴

鼎食之家情可知矣悲何如乎益矢苦心獨持大
體寧自服浣濯隆筐篚以篤周親寧自節饔飧潔
盤餐以速宗黨推田讓宅居然閭內之薛包濟急
扶災允矣閨中之文正特還代怙母以兼師哺雛
之荼苦何多總無晝之非夜鞠子之恩勤不少雖
有春而亦秋自太夫人之賦柏舟也方二十九歲
而其歷貞操者歷五十餘年嗚呼遂使余持此乞
哀誅乎夫不幸而稱未亾石爛海枯天長地濶凡
爲貞節皆非立名苟人子不自言則掩親之善非

所以爲孝也卽余今日之情推之可以得人人之情獨以濫竽良久徃徃簿書未暇續修羣志盡採遺芳此亦一愧也

賦偉

從先大夫長樂官舍方六歲莫能悉治行萬

一稍長與弟

俊

就外傳課讀之餘先妣太夫人數

舉遺事教之先大夫於折獄後每退食愀然先大母太夫人問之具以狀對先妣侍故猶記其大者廣東惡習民有忿輒食斷腸草自殺以陷人先大夫斷決窮其情實無少寬濫禁邑民毋得食斷腸

草犯者暴其屍不聽收塋其風遂息民有被殺者
案成而屍忽失其首連繫多人有年矣先大夫泣
任一訊卽得其主名時稱神君焉所痛者年未三
十爲哭先太母而遂殞也太夫人萬里扶雙櫬歸
以未亾人摺拄門戶艱楚垂二十年仗先伯兄憲
菴先生爲家督撫育教誨稍知成立偉與弟俊始
後先筮仕偉宰永寧俊宰蔚太夫人諄諄以矜恤
民命爲訓俊之來省於寧也偉兄弟子舍承歡數
問案牘有平反無則對以其故知不輕決罰卽色

喜爲強飯曰此汝父意也

俊

北還太夫人思之數

趨膝下不意先逝而太夫人亦棄

不孝偉

逝矣昔

人官書夜燭有嘆求其生而不得者非太夫人言
卽遺孤亦曷從知先德也痛哉